
Scheibenschlagen

2002

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'noch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d'Gurnauer dron.

Thöni Maria

Wenn d'Maria eppas zum Inkaufa hot,
geat si auf's Postauto und fahrt in'd Stadt.
Da kann si an kluana Schaufensterbummel mocha
und kimmt huam mit a paar guata Socha.
Für deis Jahr wünscht dir d'Fuirwehr Gsundheit und viel Glick
und schiaßt dia Scheiba aucha gonz dick.

Fam Juen Klaus Anna

Dr Klaus isch im gonza Lond
da Radio Tirol Hörer bestens bekonnt.
Quiz-Sendungen mog er narrisch geara,
drum konn man ou öfter amol im Radio heara.
Wenn er sie auf di richtiga Ontworta bsinnt
isch klar, dass er allpott eppas gwinnt.
Wer beim Lousna guat die Oahra spitzt,
hat dr'fragt, dass dr Klaus vor Weihnachta Krippa schnitzt.

FA Maschler Karl

Beim Karl kann ma Auto koufa,
dia zuverlässig sein und ou schnell loufa.
Bei die 2 Marka Mitsubishi und Seat isch die Auswahl riesig groß,
da findet ma sicher eppas, ou wenn ma vu Autos nix woäß.
Weil die Bedienung und d'r Service sein einfach guat,
drum hola miar iatz d'negscht Scheiba aus der Gluat.

Siegele Angelika

D' Geli hot s'letscht Johr d'Matura pockt mit Bravour
ober si hot sich d'moch nit glegt zur Ruah.
Fremdaverkehr tuat si iatz studiera,
weil di einheimischa Buaba tian si eppa nit interessiera.
Des Tourismusfoch, des wissa miar genau
des isch interessant, drum hua miar nou an Böll'r drau.

Siegele Gerd

Gerd, es isch all Jahr a Gfrett
wenn ma a Sprichli für die schreiba sett.
Kuane Schandtata und d'Mama will die ou nit verpetza
iatz weara mar amol an Detektiv auf die onsetza.
Du konnsch decht it s'ganz Jahr buggla und spora
und zwischadurch mit'm Snowboard aufn Gletscher fohra.

Siegele Werner

Vom Siegele Werner zu dem d'Leit ou Wenno sogä,
hots huirä a interessante Neuigkeit geiba zum dr'frogä.
Sein olta Job beim Handl hat'r kündigt,
„i brauch was nuis“ hatr sich denkt, und in Zirl isch'r gwoara fündig.
im Musikschäft mischt'r iats mit der Bua,
„Tyrolis“ hoßt dia Firma und laßt 'm koa Rua.
Als Grafikdesigner hat ma an heida Stress da dunta,
sinsch gibts des it, dass dr Wenno isch niana mehr umcha.
miar hoffä, dass di nit überarbeitsch mit Cd's verziara,
und iats lassa m'r diar no an Böller explodiera.

Fam Siegele Waldemar

Dr Stammtisch vo da Eisabohnerpensionishta
hot da Waldemar auf seiner Lishta.
Jeden Freitag isch as soweit,
do nimmt er si für seine Eisenbahnerkollega Zeit.
Eppas trinka und über die Reforma debattiera
es hobt's leicht locha, in dr Renta kann enk numma viel passsiera.
Mir zinta dar no an Böller an,
genieß lei die Zeit in der Pension.

Juen Monika

Di Moni hot a goldene Hond,
hot Bluama wia im Märchenlond.
Des Geheimnis vo dena Bluama ischt,
alls Dünger kimmt nu in Frog an Mischd.
Do tuat olls beschtens spriaßa,
und mir tia dr no an Böller schiaßa.

Fam Juén Josef Paula

Da Seppl und di Paula, dia tunkts als Bausleit recht fei,
si mahja ihre Falder, wenn die ondera im Schwimmbod sei.
Weil des schianschte vo dr Gegend, deis isch gwies,
isch a sauber g'mahte Wies'.
Drum tuat dr Seppl und d' Paula wia mar si kenna,
zwoa Mol im Johr in d'Neadr ummi renna.
Dert werkla si voller Fleiß,
und miar schiaßa ihna an Böller zum Preis.

Fam Juén Hubert Erika

Di Raketa lossa mar weit aua marschiera
und tia im Hubert zur bestondana Prüfung in der Polzeiakademie gratuliera.
Mit der Wien - Pendlerei
isch as iatz endgültig aus und vorbei.
Als Bezirksinspektorstellvertreter in Imst hot er numma so weit
iatz bleibt für d Familie und für deina Hobbys wieder mia Zeit.

Fam Schmid Helmut Linde

Was hockt do für a komisch's Mandli am Bankla vor 's Schmida Haus
deis schaut gar eigenartig aus.
Ziemli kniewoach mit ama Korb voller Wei
deis weart decht nit dr Helli sei ? -
Hat sich wohl jeder denkt
der sei Auto bei's Schmida Haus vorbeilenkt.
Deis kinnt ins dech recht grausam fir,
kaum hat ma da 60er auf'm Buggl, hocka si uam vor'd Tür.
Helli, wenn ma so fit isch wia du, kann uam dr 60er nit verdiaßa
d' Fuierwehr wünscht dr zum Runda viel Glick, und tuat dr a Raketa weit außaschießa.

Fam Schmid Harald Angelika

So a öffentlichs WC isch schua bequem
wenn ma amol hot mit d'r Notdurft a Problem.
ob uans frei isch hot d'Angelika glei g'schaut
icha isch sie schnell und hot d'Tür zua'kau.
Kaum hot sie ihr G'schäftli verricht
hot sie g'mocht a long's Gsicht.
Dia Tür hot inwenig gor kua Schnolla
deis tuat dr Geli gor nit g'folla.
Daußa worta d'Kinder, dinna kann sie nit bleiba
in d'r Noat muaß si holt über d'Tür drübersteiga.
Dia Moral v dear Gschicht
auf a öffentliches Ko geaht ma ohna Motorsoga nicht.

Fam Griößer Hubert Rosmarie

Liebe Rosi, siech's decht ein,
du kearsch iatz ou bold zum 40-er Verein.
Du bisch jo no recht guat erholt -
a knackige Figur und im Gsicht kaum Folta.
40 Jahr, soga si, des isch s'beschte Olter für a Frau
do geahts earsch richtig los, drum Hubert, pass dir au.
Mir wünsch dir iatz schua a tolles Fescht
und für's nuie Jahrzehnt s'oller bescht.

Fam Scheiber Helmut Martha

Dahuam hot d'r Helli viel aus der Natur
Vo da Biena da Honig, vom Obst a Schnapsli und dös gonz pur.
Nu bam Kearschnabrenna lott's ihm oft kua Ruah,
weil bam Aushafna tuat's im öff'r da Obfluß zua.
Dös sett ma holt olls longsom mocha,
Nu dett geits, sall woasch genau, dia guata Socha
und du breichtasch dir wega dena Keara im Obfluß kua Sorga mocha.

Scheiber Robert

Dr Robert, inser junger Fuirwehrmann,
kimmst deis Johr s'earscht Mol zum Scheibaschloga dronn.
Beim Leistungswettbewerb in Vils, sall war decht glocht,
hot er s'letscht Johr miz ins s'Bronzene und s'Silberne gmocht.
Di Hoorforb woäß ma beim Robert nia so genau -
uamol schworz, uamol blond und uamol sogor grau.
Mit seim Cross-Moped isch er fleißig am Rieß,
am Wochenende treff mar'n im John's, sall isch gwiß.

Rainalter Ekehardt

Im Ecki hat sei alts Auto da Geist aufgeba
do hott er si miaßa a nuis zua lega.
Also hat'r gschaut, gsuacht aber nuit gfunda,
do ischr' sogar im Außerfeara gfohra seine Runda.
Bis 'r dafrogt hot dr Taxi Harry tat seine Auto verkoufa
da isch er glei auf St.Anton aucha gloufa.
So a olts Taxi deis tat im Ecki schua tauga,
deis war ja cooler wia sei alte Rostlauba.
Also ischr' auf d'Bank und hat den VW-Bus glei kouft
a jeder war verwundert dass deis Vehikel ou louft !
A paar Blecher inschwoaßa a bissli a Farb und viel Kitt
und deis Auto war wieder fit.
Nu dia Türa hoba nit deis richtige Outfit,
also nimmt'r vo Landeck nou a Farb mit.
Dr Verkäufer hot gseit die Farb weart hart und tuat heba
darweil tuat si nur an dr Housa kleba.
Und dass mar dein Bus nia abschleppa braucha
fliegt dia Scheiba bsunders weit aucha.

Fam Rainalter Ekehardt Hella

Dr Ekki tuat schua viele Johr sei Firma leita
und seina On'gstellta auf die nuischta Technika vorbereita
Dia guate Orbeit isch bekohnt.
deis spricht si umadam im gonza Lond.
Ma konns foscht nit glouba,
ba da Österreichischa Installateure isch er gonz oba doba.
Daß es ou weiterhin so bleibt
iatz für'n Ekki und sei Technik a Raketa steigt.

Fam Huber Robert Gabi

Für d'Gabi lossa miar iatz glei a Raketa vom Tisch
weil sie iatz auf d'r Lischta von da Pensionishta isch.
Dös sett sie ob'r nit v'rdriaße
weil dia Pension sett ma richtig genieße.
Miar hoffa nu, es kimmt nit soweit
dass du dös Pensionistaleida kriagsch - I HONN KUA ZEIT.
A Raketa lossa miar nou aua
daß Du in Ruah konnsch auf Dein G'sundheit schaua.

Huber Susanne

Iatz tata miar geara d'Susanne ploga,
ob'r vo dem fescha Madla tuasch nuit d'r froga.
Zwischen Gurnau und Brugga tuat si mit ama Jeep umabrausa,
mit dem Auto konnsch ou mit'm Freund ins Gelände sausa.
Bam Picknick im Gelände wara miar ou gera drbei,
wenn du auspocksch a guats's Brot vor Huberbäckerei.

Fam Schütz Egon Sissi

Di Sissi tuat da Egon fescht ploga,
weil si iatz a Regiocard hoba.
Er muaß iatz über g'wolzta Pischta flitza,
und braucht nit mit da Touraschi schwitza.
Am Sunnit Vormittog an Frühschoppen braucht dr Monn,
da Egon findet ma in Londeg daußa bei dr Kegelbohn.
D'Kugel schupfa, a Biarli stülpa und d'Sissi tuat drhuam guat kocha,
auf den Sunnti gfreit si dr Egon schua di gonz Wocha.
Bei dem Sport muaß ma nit schwitza wia an Bleida,
do kann ma da Egon sogar für a Turnier überreda.

Schütz Caroline

D'Caro tuat geara die Welt erkunda
und hot s'letscht Johr in Thailand an nuis Urlaubsziel gfunda.
Auf am Elefant isch sie durch'n Urlaub marschiert
und hat vo da doba viele andere Viecher inspiziert.
Im Herbst hat's der Caro bei ins ab'r decht numma gfalla,
sie isch nach Innsbruck und hat sich gsucht a nuia Falla.
Beim WMF in Innsbruck tuat sie iatz arbeitsch und die Leit berota,
drum lassa m'r no an Böller im Feier brota.

Schütz Florian

Dr Florian hat im Lantech kua Ruah nit ket und isch auf Innsbruck ocha gonga,
det hotr s'Studium für d'Wirtschaftspädagogik angfonga.
In uanar WG mit lauter Madla hat'r kurzzeitig seine Zelt aufgeschloga,
aber d'Wohnung hat'r glei gwechselt weil mit sou viele Weibar hat'r sich nit vertroga.
Oder war da eppa sei Freindin, die Barbara, mit ihre Finger im Spiel,
wora sou viel ondari Madla eppa z'viel?
Viel Glück und Erfolg beim Studiera,
dass olls guat pokscht lossa mar iatz a Scheiba außa marschiera.

Larcher Carmen

D'Carmen konn ma in Gurnau gor numma oft entdecka,
du tuasch die eppa olli mit'm Dieter darhuam verstecka.
An schiana Urlaub habt's ou genossa,
und seit's glei nach Ägypten ocha gschossa.
Mit'm Schiff seits auf'm Nil umchagfohra
und habt's dabei sicher viel über alte Kulturen erfohra.
Daß m'r die negscht's Jahr wieder öfter secha,
tian m'r noa an Böller anrecha.

Fam Larcher Peter Margret

Vo Zeit zu Zeit, sall war decht g'locht
keart a Österreichrundfohrt g'mocht.
Im Herbst war's donn endlich soweit,
diazwoa mocha sie auf d'Roas auf a längere Zeit.
Am Mittwoch giahn sie d'Rundfohrt on
am Donnerstog am Obat sei si schua wieder dahuam.
Im Expresstempo hoba sie Österreich ong'schaut
und dabei ou nia auf'n Tacho g'schaut.
Ou d'Steirer kenna sie mit'm Radar aus,
drum kimmt nocha nou a Strof ins Haus.
Es zwoa hattet's Zeit, sall war decht zum Locha,
do kanntats a Österreichrunde schuan gmütlicher mocha.
Dös schnell fohra hot sie nit rentiert,
do hattets's enk besser Zeit g'lot und irgendwo nou a netts Nachtli spendiert.

Vogt Helga

Der Helga geba miar an guata Rat,
tua's a bissli bunter treiba,
nocha wissa mir ou was schreiba.
Sie hot in Imst an Arbeitsplotz,
und im Stubaital den Michl als Schotz.
Alltag so weit fohra isch deis
a' Freid mit'm Renault Espace.

Vogt Stefan

Ob der Stefan vielleicht mit ins spinnt,
weil er lei olla Heilige Zeita auf Gurnau kimmt.
Eigentlich hat er schua long amol sella
Seine nette Freundin vorstella.
Der Stefan weart über ins lei locha,
und mitm Madl in Salzburg Nockala mocha.

Vogt Herta

Hinter Hertas Haus liega Bretterstöck,
auf amol muant sie dia sella weck.
20 Jahr long hat sie sich denkt,
iatz weara sie amol verschenkt.
G'schenkte Bretter wara it fad,
wenn sie leit eppar hola tat.
Nochbar her oder Nochbar hie,
kriagt hat sie der wo bracht hat a'Marie.
Auf der uana Seita hot die Herta schua recht,
durch den Euro schauts Budget eh aus so schlecht.

Fam Schultes Hubert Brigitte

Dr Hubert hot's iatz gmiatli- sall wella mir wetta,
weil bei der Post isch er in Vorruehstand tretta.
Ou sinsch hot sich alli eppas ergeba,
neba ihm tuat iatz a nuier Nachbar leba.
D'Gitti kann iatz ou auf a'Ratscherli giah,
und bei der Nachbarin beim Gartenzaun stiah.
Und dass dia nui Nochbarschoft guat funktioniert,
iatz nou a Raketa marschieret.

Fam Marth Edmund Helene

D'r Edi tuat olli nou mit dr Musi umchamarschiera
Und d'rbei seini Instrumente maltretiera.
Ober ohne Kapellmuascht'r konnsch dahuam nit spiela und singa,
do miascht holt d'Helene da Taktstock schwinga.
Amol a Standli vo dir tata miar schua v'rtroga,
drum tian miar nou a Raketa in Himm'l auchajoga.

Marth Christiane

D'Christiane isch schua lang in der Apotheke beschäftigt,
da kriagt ma glei a Medizin , wenn uam was weh tuat ganz heftig.
Oft sieht ma d'Christiane mit ihrem Freind in der Kiarcha,
du wersch ins eppa ou no ins Paznau icha ziacha.
Des isch nämlich in Gurnau schua öfter passiert,
am Peter hab mir heind ja ou schua gratuliert.
Für s'nächst Jahr wissa mir hoffentlich mehr über di zum sogä,
drum wera mir iatz no a Raketa auchä jaga.

Fam Landerer Franz Elfriede

Dr Franz hot ein Teil seiner Firma in ondere Händ gebä,
ober iatz kann er a bißli entspannter leba.
Bis zur Pension isch es ja numma weit,
do war des wohl s'best so sogä d'Leit.
D'Elfriede und da Franz hot ma oft bis spat in d'Nacht im Büro gseha,
do kenna sie si iatz bead auf a bissli mehr Freizeit g'freha.
Viel Glück im nuia Jahr,
des wünscht die Feuerwehr wirkli wahr.

Würthenberger Claudia u. Armin

D'Fuierwehr mecht zearscht amol zur Hochzeit recht herzlich gratuliera
und dafür ä schiane Raketa spendiera.
Begrießä mecht mar in Armin persönlich ou no recht schian
daß mit ihm und seiner Frau in Gurnau recht viel schiane Jahr vergian.
Daß enker kluane Familie bold greaßer weart,
ä Baby wearts bold gebä, hob mar ou schua keart.
Ä gmiatli's Nestli hobat's enk sicher baut,
Dafür laß mar no an Böller ganz laut.

Carpentari Jürgen

Der Jürgen hat sie im letzta Jahr ä bissli mit seim Madla plaga,
aber des isch iatz wieder guat und er fährt an nuia Waga.
Der Kombi isch fetz gelb und hat viel Kraft,
der braucht aber bestimmt viel Saft.
Für sein huiriga Hausumbau hat er an Kombi braucht
da kimmt Material auf'n Bau, daß es nu so raucht.
Des Dach wird um an Stock aufkoba,
da kriagt d'r Jürgen ä Wohnung obadoba.
Miar wera di dabei schua unterstütza
des werd ins alls nuit nitza.
Jürgen tua di nit viel uma plaga,
drum wera miar iatz no ä Scheiba oa schlagä.

Fam Carpentari Reinhard Michaela

Dr Reini, inser Gouli, isch vo uam Pfoschta zum andera gflouga
beim Ballfonga hat'r sich nocha den Finger verbouga.
Passiert isch deis Missgeschick in Flirsch beim Fussballturnier
- Reini deismol kannsch wirklich nit dafier !
Weil numma kema bisch auf'd Lok zum Führerstand
hat die d'Eisabahn gschickt in Kronkastand.
Deis tuat 'n Reini lei am Anfang verdrießa
weil mit ama steifa Finger - hosch dahuam orbeita eh nit mießa.

Fam Carpentari Sandrino Rosmarie

Dr Sandrino hot Schach spiela ongfonga trainiera,
aber er isch ständig beim Verliera.
Er hat des Spiel eba nit erfunda
Drumm tuat'r lieber die Welt erkunda
Mit seim nuia Motorrad hat er sich in Italien verfohra,
da isch sicher er kannt an Haufa Benzin dr'spora.
GPS war für's Motorrad schua erfunda,
nocha konnsch ohne Umweg gonz Oberitalien erkunda.

Fam Carpentari Reinhard Marlies

D'r Reinhard tut Schifahra olli recht fleißig,
fetza mit da Schi tut'r oh wenn's isch eisig.
In Fendels beim Nachtschilaf tut'r mit seim Kollege Leo fohra,
bis'n d'Wadl brenna und numma troga .
Brennholz hat'r ins Fuiwehrler spendiert,
als Dank hot er sich verdient,daß a Raketa aua maschiert.

Pfisterer Dieter Köhler Christine

Dr Dieter hat si baut seine eigena Wänd
gar so dreckig sei nit gwora seina Händ.
Dr Goidinger stellt dia Häusla auf in Null komma nix,
D' Maura, d'Fenstara, d'Heizung - des geat ganz fix.
Iatz hobts a tolle Sicht über ganz Gurnau aus
und kennt's stolz sei auf enker nagelnuis Haus.
Wenn mar kassiera kema nocha
ketntt's ins im nuia Haus a kluane Führung mocha.

Pfisterer Peter

Dr Peter hat schua denkt sich zu verloba,
da isch kema da Storch schua gfloga.
Letz`'s Jahr im Frühjahr hat`n noch a kluane Poppa onglacht,
da hat`r Petr glei drauf uans trunka und zwoa Nächte durch gmacht.
In dr Freizeit geht`r gera mit d`r Kluana spaziera,
und im Winter als Taxifahrer Gäst uma kutschiera.
Die Fuierwehr tuat enk no recht herzlich gratuliera,
drumm tian mir enk no a Raketa spendiera.

Pfisterer Bernd

Letztes Jahr haba miar lei so gschaut,
und gmuant beim Bernd wird a Recyclinghof baut.
Zearscht hoba mir it recht gwisst was deis sett,
weil ma hot da Container augstellt.
Der Bernd hat jedes Gerät nou amol ongschaut,
und noch aufn Container auch a g`haut.
Ausschau tuats in Bernd`s Kaller und Garage iatz mager,
klua ischas gwoara des Ersatzteillager.
Der Böller der iatz krocht,
deis Ersatzteillager hoffentli wieder größer macht.

Fam Haag Sabine u. Peter

Dr Peter und d`Sabine sei ganz gmiatlige Leit.
dia bleiba alli dr`huam und gia selte unter d`Leit.
s` uanzige Mal am Tag dass ma da Peter amol sieht,
isch in dr`Fria, wenn`r mitm Radli Richtung Zams ocha zieht.
Vom Peter`d Arbeitsstell isch nemli d`Venetsoalbahn.
und de isch it weit, do braucht dr`Peter koa Autobahn.
weil a Fahrradli, denkt si dr`Peter, braucht koa Vignette und koan Benzin.
des isch billig und ma kimmt decht überall hin.
Dass die Haushaltskosta o in Zukunft it explodiera,
tiam`r enk iats no an Böller anschiera.

Fam Schütz Erwin Christine

Dr Erwin und die Christine lossa sich numma stressa,
drum hoba sie zum Orbata iatz nuia Adressa.
Die Christine hots auf Grins aucha verschloga,
will ma mit ihr a Ratscherli tia – muß ma beim Ruetzbäck noch ihr froga.
Dr Erwin isch in seiner Sparte blieba,
den hot's noch Zams ocha trieba.
Iatz bleibt ihm gwiß für sei Hobby mia Zeit,
dass es nuia Motorradla-Toura geit.
Mir hoffa die nuia Arbeit mocht enk zwoa viel Freid,
dazua d'Fuierwehr a Raketa auajeit.

Fam Walter Markus Sybille

Dr Markus hat sei Qualität beim Bundesheer im Wald bewiesa
Er übt iatz im Spital und nit auf irgenduaner Wiesa.
Er hat a longe Zeit auf Wien ocha miaßa,
da wert er schua a bissli um Frau und Kind verdriaßa.
Sei Ausbildung als Dipl. Kronkapfleger wert er bald absolviera,
hoffentlich kenna mar dr bold recht schian dazua gratuliera.

Walter Berta

Eppas wissa mir von der Berta gwieß
sie isch olli fleißig am Ries.
Mit'm Enkala geat sie gera spaziera,
drmit tuat sie ihre Fitness trainiera.
Mir glouba mit'm Eugen versteht's d Berta ou guat,
weil sie sich ob und zua z'Kappl in der Krone aufholta tuat.
Berta gönn dir ou manchmal a Ruah,
und schau da ondera beim Orbeita zua.

Senn Anna

Dia Scheiba tia mar weit außatreiba
gesund sett d'Anna no lang bleiba.
A bissli öfter unter d'Leit kanntesch giah
Des war für ins Grafer und Gurnauer bsunders schia.
Bleib ins so wia du bisch,
so munter, jung und frisch.

Fam Senn Werner Brigitte

Wenn ma im Urlaub a Fernreise mocht
kann ma was dr'leiba, deis war decht glocht.
Die Fahrt auf München zum Flughofa dauert dr Michi z'long
ihr weart schlecht und sie speibt di Brigitte on.
Mit dem Gschmackla 13 Stund im Fliager -
si nebelt sich in mit Parfum, weil des Gstank isch ihr no liaber.
Dia Tag in Kuba wora Spitzenklasse
dr Werner sonnt sich am Strond, am Pool oder auf dr Terrasse;
bis di Michaela ongrennt kimmt -
Papa, Papa, kimm schnell, gschwind!
Dr Werner kimmt in sei Zimmer und woaß nit wos des sett,
di Brigitte steiht kreidebleich auf ihrem Bett;
a brauns Krebsli tunkts in ihrem Zimmer recht fei -
ober di Brigitte muant, es kannt gor a Vogelspinne sei.
Dr Werner befreit sei Schatzli vo dem Gfrett
sinsch stand si eppa heind no in Kuba auf'm Bett.

Senn Evi

Als Bankerin hot d'Evi s'Hondtuach gschmissa
weil iatz hot sie's auf Innschbruck v'rissa.
Den Hunger noch viel mia Wissa hot sie entdeckt.
Drum hot sie ihra auf der Uni an Plotz ausg'steckt.
Döt weart sie learna, bis si ollas kann
drum kimmt zur Scheiba ou nou a Raketa dron.

Fam Senn Arnold Ursula

Als junger Bursch isch er da Biena nochgwetzt
dös hot ihm so g'folla, drum hot er si vors Haus iatz sogor a poor Stöck heagsetzt.
Do hot er ober ou sei Plog,
wenn so mancher Stock nit dahuambleiba mog.
Do isch an Goaßbock dagega grad fein,
der geiht vo Pians mit'm Arnold huam und auf seim Rosa kehrt er ein.
D' Ursula hot dös schua irritiert,
dass d'r Arnold stott mit dena ausgflogna Biena mit am Goaßbock huam marschiiert.

Fam Winkler Franz Kreszenzia

Dös letscht Jahr isch vorbei,
es wor unanfoch a groaßi Feirerei.
Ba dene runda Geburtstag hoba d'Zenzl und d'r Franz denkt
weard so manches Sektli einschenkt.
Miar tian ins mit G'sundheitswisch onschlieða
und ou nou an Böll'r und a Raketa schiaða.

Fam Haslinger Hans Gertrud

Long hot's dauert, ober iatz isch es woehr
d' Gertraud und d,r Hons sei a Penionistaehepoor.
Iatz brauch mar numma in di Tyrolia loufa,
weil do fahlt ihna dia Fochkroft zum Buchverkoufa.
Iatz kannt sie d'Gertraud engaschiera
und da Hons auf nuie Auto instruiera.
Wo d'r Hons sinsch foscht ollas kann,
ober a Auto mit ara Automatic bringt er gor nit z'gong.
Er woäß zwor, wia ma dös Auto aufsperrt und muaß lenka,
ob'r bam Starta mochts ihn schua saggrisch denka.
Und dass Dir dia Technik kuan Strich durch d'Rechnung mocht,
für enk nou an Böll'r krocht.

Fam Plattner Wolfgang Angelika

Wenn d' Angelika in Kaller geat Holz nachlega
kann's bease Überraschunga geba.
Di Tür follt ins Schloss und si geat numma au,
im Heizraum in'gsperrt isch dia orme Frau.
Da kann si ruafa, oder an'd Tür dran klocka,
wenn si d'Kinder nit gsuacht hatta, tat sie heind no dunta hocka.
Do konnsch dir a Beispiel an der Oma nehma,
dera isch a paar Tog später s'gleiche passiert -
ober dia isch gonz sportlich durch's Kallterfenster keima.
Wolfgang, iatz wearsch miaßa a nuis Schloss inbaua,
oder sperrsch sie geara allpott in Kaller, deine Frau ???

Fam Traxl Richard Frieda

Dr Richard hot sich als Pensionischt
olli in die Holzwirtschaft a bissli icha gmischt.
Fürn' Richard isch deis s'Bescht,
wenn der Bach bringt a paar Äscht.
Er raumt des Bachbett sauber aus,
und trogt alles ocha zu seim Haus.
Schaua tuat'r dass es d'Frieda hat warm,
am Holz isch der Richart gor it arm.
Iatz losst der Böller nou an teuflischa Krach,
hoffentlich bringt er wieder a'poor Äscht, der Bach.

Imbiss / Beier - Franz

Dar Imbiss in Graf hat an nua Besitzer,
des kann ma guat darkenna,
weil an Haufa Liachtla aufblitza.
Z'Silvester hat'r a Zelt organisiert,
und a Schiaßbude nebam Imbiss postiert.
A Schießbude hat's in Graf wohl nou nia geba miaßa mar sogä
für soviel Innovation tia mar dar iatz a Scheiba außa joga.

Kobler Maria

D'Maria tuat si mit ins Feuerwehler als Nachbohra umaploga,
do mechta mir für dein Verständnis Dankschia sogä.
Wenn die Sicherung wieder amol in der Halle fliegt,
kann ma bei Ihr glei leita, dass ma an Strom wieder kriegt.
Als kluani Entschädigung kriagsch iatz no a Raketa mit am riesa Knall,
die ma im ganza Talkessel sieht fast überall.

Kobler Gerald

Vom Gerald tia miar d'rfroga,
der mechta iatz z' Flirsch sein Zelt aufschloga.
Ob'r wia ma ou heart, so schauts d'moch aus
Dass do draus weart a gonzes Haus.
An Böll'r hots ou nou dr-rissa
Weil an Fuirwehrmonn tia miar nocha v'rmissa.

Dsubanka Maria

D' Midl, ob s'Wetter isch schiach oder schian,
sigt ma oft vu Landeck z'Fuaß auf Graf icha giahn.
Daß da im negschta Jahr bleibsch gsund und guat beinand,
ham'r schua die nechgscht Scheiba in dar Hand.

Schlatter Harald

Dr Harald isch des Motoradfahra z'langweilig g'woara,
drum sieht man ihn iatz mit dem Quad uma fahra.
Des isch a Gerät ohne Dach und mit vier Radla,
s'bescht isch aber dran - es gfallt alla Madla.
wie er des Gfährnt kouft hat
wollt a jeder mit Ihm a Runde fohra,
oft hat man gsecha auf zwoa Radla um Kurva uma bohra.
Harald tua ins des Quad no rot lackiera,
nocha kenna mir es ou im Einsatz guat als Off-roadfahrzeug integriera.
Vielleicht tuasch ins im nächsta Jahr wieder mit einer Top-Neuentwicklung überascha,
drum lassa mir dir iatz no an Böller kracha.

Fam Schlatter Engelbert Stefanie

Mit dera Raketa wos d'Fuierwehr losst marschiera,
tia mir der Steffani zum 50er gratuliera.
Der Engl hot sich ou it lumpa glott,
wia er mit der Steffani Geburtstag gfeiert hot.
Gessa ,trunka unt tonzt hoba sie schnell,
wia gfeiert gwora isch z'Brugga im Cafe Big L
Gweisa isch des für olla a gmütlichs schians Fescht,
hoch sell sie leiba, d'Steffani die Bescht.

Nöbl Hannes

Übern Hannes wiss mar huira viel zum Berichta
drumm fonga mar iatz amol on dichta.
Des mit dem Arbeita des isch anscheinend nit sei Sach,
drum hat'r sein Job im Büro gschmissa in Bach.
Im Summer als Kinderanimateur da hat'r sich guat gmacht,
da isch'm a Idee kema über d'Nacht.
Des mit dena Kinder scheint'n ja zu interesssiera,
drum geiht er amol studiera.
Volkschullehrer des will'r iatz wera
da kann er namlich dena kluana Leit viel leara.
Und dass'm des ou viel Spaß macht
iatz no an Böller kracht.

Nöbl Thomas

Dr Tommy hot ket a morz Knieoperation
kumpelt isch er vo uar Therapie zur anderer Kronkastation.
Rentiert hot sie für deine O-Haxa deis Unternehma
weil iatz kansch ou mit'r Badhosa zum Fototermin kema.
Insern Fuiwehrkoch - den Tommy - ,mecht mar iatz nou gratuliera
die Kaskiachla schmecka , -- liebe Leut tiats'sa sie lei probiera !

Nöbl Anna

Dia Scheiba dia m'r iatz schwinga
sett dr Anna viel Glück und Gsundheit bringa.
Daß ou weiterhin geasch so fleißig spaziera,
tia mar nou a Raketa spendiera.

Nöbl Ferdinand

Am Onfong tian mar a Raketa auchijoga,
Weil dia zwoa seit'm letschta Johr an Ehering troga.
Noch ara Heiroterei in so junga Johra
Sett ma holt ou auf a Hochzeitsroas fohra.
Ob'r wer da Ferdl kennt
Sein dia zwoa sich'r auf a Hütta g'rennt.
In dena Tiroler Berg gibst kluana und groaßa Hütta grod gnua
Do hoba si sich'r uani g'funda, wo sie g'ket hoba ihr Ruah.
An Böll'r lossa miar nou krocha,
damit d' Romana und d'r Ferdl kenna viel Toura mocha.

Kirschner Katharina

Dia Scheiba tia m'r weit außa schießa
und damit d'Kathi begrießa.
In Graf sieht ma die gar numma oft spaziera
tuasch eppa viel mit deine Enkelkinder durch d'Gegend marschiera.
An Böller tian m'r iatz no anreiba,
damit die tuasch in Graf wieder öfters umatreiba.

Moschen Stefan u. Kathrin

Iatz lossa mar a heida Raketa marschiera
und damit im Stefan und dr Kathrin zur Hochzeit gratuliera.
Sie hoba sich im September s'letzschte Johr
s'Jawort geba und sei iatz a Poor.
Dass es bald an Kinder denkt's schießa mar die Scheiba weit aucha
an Nachwuchs für d'Fuierwehr kannt mar guat braucha.

Scheiber Sabine

Mit der Weihnachtsdekoration
tuat sie di Sabine an Haufa on.
Do kraxlt an riesiga Weihnachtsmann auf ihm Balkon ganz geschwind
ob der wohl zur Sabine ga fenschterla kinnt ?
Iatz lossa miar no an Böller knolla,
ins hat des Mandli gonz guat gfollla.

Moschen Anni

Die Moscha Anni tia mir a bissli louba,
sie schaut mit der Nöbl Anna aufs Kappali douba.
Wenn sie am Vormittag mit'm Hund Gassi geat,
ou glei s'Kappali ausperrt.
Am Obat muaß sie ou mit'm Viechli gia
und vom Kappali die Tür zua tia.
Am Sunnti Zwölfa leita tuat d'Anni nit vergessa,
dass d'Nachbara ou wissa wenn Essa.

Fam Ruetz Markus

In Markus und der Sabine tunkt der Christboum so schian,
sie lassa ihn bis bald im Summer aufm Balkon doba stiahn.
Ersch wenn die Kistla mit d' Geranien kema aufn Balkon
schneida sie des guate Stuck zomm.
Die Christine isch fleißig am studiera
neba da Kinder will sie's mit Fernstudium probiera.
D' Fuierwehr wünscht enk für des Jahr viel Glick
und schießt aua a Raketa gonz dick.

Petter Hedwig

Dia Scheiba schwinga mar außa bsunders schia
und bleiba bei dr Petter Hedwig stiah.
Die Hedi secha mar alltag mit'm Auto sausa
zur Orbeit bei der Psychohygiene nach Landeck außa.
A Raketa geat aua gonz hell
viel Gsundheit wünsch mar an dera Stell.

FA Thurner Josef

Sanitär Thurner des woäß inzwischen jeder Mann,
im Bereich Heizung und Installationen alles kann.
Beratung, Service, Reparatur,
des keart alls zum Erfolgsrezept darzua.
Dass s'Gschaft weiter guat loufa tuat,
hola mar enk iatz a Scheiba aus der Gluat.

Pammer Herbert Kathrein Anni

Beim Herbert und bei dar Anni tat ma muana sie hoba s'Roasa darfunda,
weil sie drahja in Italien dunta oft Ihra Runda.
A kluans Häusli hat d'r Herbert da dunta,
und voarna daußa isch ou nou a kluans Boot anbunta.
Da kennt 'r die Gewässer und s'Land,
und d'Anni hat ihren Kapitän alli bei dar Hand.
A sou a Schiffahrt tat ins Fuierwehrlar ou interessiera,
drum lassa mar iatz an Böller krepiera.

Knabl Erika

Dia Scheiba tia mar weit außatreiba
und damit bei dr Erika und ihrer Familie bleiba.
D'Fuierwehr will enk herzli zum Poppala gratuliera
und tuat enk a bsunders schiana Raketa spendiera.
Markus hoaßts, hot ma ins gseit
sicher hoba sich d'Gschwisterla fescht übers Brüderli gfreit.
Iatz isch a morz Leba im Haus
und d'Arbeit geht dr Erika ou nit aus.

Tscharnuter Simone

D' Simone tuat seitm letscha Johr in dr Pianner Post bediena,
do kann ma mit viel Stunda sichar an Haufa Geld verdiena.
Beim Huamgian tias manchmal a paar Probleme geba
g'heart hamar, du tuasch öfter eppas verlega.
Do steasch in Graf vor deiner Haustür - total verschlossa,
da hosch sicher schua öfter's um dein Haustürschlüssel verdrossa.
Aber zum Liega an Platz hat ma olli no gfunda,
Do kann ma ja giah in d'Post schlofa a paar Stunda.

FA Wille Harald

In d'r Firma stellt d'r Harry sein Monn,
bei ara Feirarei isch er ou olli voarna dron.
D' Raketa tian ihn fasziniera
drum lot er ou di uan o'dr ondere marschiera.
Wenn sie o,gschossa sein lossa sie si numma kontrolliera,
sondern tian da Zuschauer d'Haar o'rasiera.
Raketa mit Lenkung war decht a Soch
nocha breichta die Zuschauer als Schutz kua Regadoch.
S'Raktaschiaßa konnscht Dir ba ins o'schaua,
drum lossa mir iatz lei für Di uana schian grod aua.

FA Wille Egon

Beim Wille tuat d' Fuierwehr in Jahresbedarf an Getränke koufa
er isch preiwert, d' Bedienung isch freundlich und miar miaßa nit weit loufa.
Selbst wenn ma am Freitag noch die Geschäftszeit mit'm Auto zuacha kimmt,
isch olli eppar do, der die Bestellung entgega nimmt.
Zum Schluss tian mar enk nou a Scheiba üben Bichl joga
und mechta enk für den Service Dankschian sogä.

Horvarth Martha

D'Martha tuat sich Tag und Nocht um an Gorta und die Pflonza bemija,
drum tia sogar im Winter bei ihr die Banana und Zitronabäum blija.
Sie tuat sa holt ou oft gnuag giaßa,
damit die Pfetscha nit verdriaßa.
Im Summer isch die Hauptaufgab da Rasa pflega,
so a Botanik isch holt nit leicht zum hega.
Für so an Fleiß Martha, tia mar die wirklich loba,
drum kimmt iatz nou a Raketa gfloga.

Horvarth Thomas

Dr Thomas draht mit'm Auto groaßa Runda
und tuat dabei gonz Europa erkunda.
Sogar in Spanien sieht ma sei Auto stiahn
det sein wahrscheinlich d'Madla b'sunders schian.
Ober mit dem Auto wearsch eppa kuan Eindruck mocha
da kema die Senioritas eher zum locha.
Drum tuasch die besser auf d'Landschaft und Stroß konzentriera,
nocha weart ou beim Autofahra nix passiera.

Fam Horvarth Erich Elisabeth

Seit die Post die Friaibusse instellt hoba,
muass ma dr Fahrgemeinschaft vom Erich amol Lob sogä.
Da sieht ma in Erich schua um 6:00 in der Fria auf Pians icharatträ,
damit di Heidi und di Kinder da Zug auf Innsbruck ou pünklich ergatträ.
So isch fürn Erich und d'Elisabeth d Schulzeit a doppelte Strapaz gwora,
schließlich hoba dia boada an groaßa Teil dr Nochtruah verlora.
Ober Erich und Elisabeth tiats enk träschtä, es weart numma long sei,
nocha hot ou die Heidi da Fiahrerschei.
Nocha kennats enk amol richtig erhola gia,
und miassats nit schua um 5:00 vom Bett aufstia.

Horvarth Iris

D´ Iris isch huira s´ earscht mal auf inserer Lista.
iatz dr´zeila mr´ enk glei was ma als set über sie wissa.
Sie hat sich a feine Arbeitsstell gsuacht,
nemli in Fiss auf dr´ Pista, wo sie die holländischa Kinder verfluacht.
In am roata Anzug sieht ma sie über´d Pista schiaßa.
vonuam Kind zum andern, dass kuans tuat vr´driaßa.
An Freind hat d´ Iris ou schua dr´zeila di Leit.
des isch ou dr´Grund, warum si hat fürn´ Apres´ski koa Zeit.
Miar hoffa dass d´auf dr´Arbeit dein Freind it tuasch z´fescht vermissa.
und deswega weart iatz no an Böller vr´schmissa

Fam Nitsche Kurdoglu Gerald Brigitte

D´r Gerald werd si in Ruhestand begeba,
da wera miar glei mitanond a Glasli heba.
Wie mir dr´fragt hoba hot er voram Haus a Atelier in Planung,
wia des nocha wohl ausschaut - keine Ahnung.
A nuis Hausdoch hosch ja schua gmacht,
des isch o schnell und guat gonga des war ja o glacht.
Für s´nuie Projekt wünsch miar guats Gelinga,
drum lassa miar iatz no a Raketa aua singa.

Fam Schmid Robert Monika

Iatz lossa miar dia Scheiba aus d´r Gluat,
es muaß an Zuafoll sein, wenn ma da Robert oder d´Monika amol treffa tuat.
Huira homm´r sicher wieder a Feschтли in iserm Buach,
do keimats holt det amol auf an B´suach.
A Rakete lossa miar iatz nou singa,
sett enk nou viel G´sundheit bringa

Maidel Johann

Im Johann lossa mar iatz an Böller krocha,
dem isch vor kurzem die Wasserversorgung zammbrocha.
Kalt ischas gwesst und jeder woaß dass s'Wasser gfriart,
und glei darnach dar Johann s'fließend Wasser verliert.
Dass des numma passiert tuasch dar a Heizung für d'Leitung inbaua,
nocha brauchsch numma s'Eis vum Rohr ocha haua.

Maidel Wilfried

Vor Sunna auf die Neadrseite
dr Willi losst si gera von Serfaus auf Fendels leita.
Bei Intersport - Ski verkoufa , Kanta schleifa und Belag begla
und nocha schnell zur Karin, weil do tat sie manch anderer ou gera zuacha lega.
Im Winter weart's die tunka do douba fei zum Leba
mir tian iatz ober a Glasi Glühwein auf die heba.

Matt Christian

Dr Christian tuat füm Kofler Salat verführa
und dabei öfters d'Grenz in'd Schweiz passiera.
Was er schmuggla wollt wissa mar nit so genau,
auf jeden Fall heban auf dr Grenz di Zöllner au.
Aber der Christian der coole Monn
fohrt da Schandi auf und davon.
Die Flucht hot nit so recht funktioniert
zum Schluss hoba sie ihn decht no kassiert.
Christian, tua dar a paar Actionfilm anschaua
da lernsch an Haufa Tricks, dia für selcha Aktiona tauga !

Fam Matt Richard Rosi

Liaba Leit vielleicht wissatsas eh
der Richard hot kouft an BMW.
Deis Auto hot 6 Zylinder an Haufa PS,
zum in Trafik fohra kriagt er sicher numma an Stress.
Ou d'Rosi hot schua gseit,
dass sie hot mit dem Auto a Freid.
Mir hoffa mit dem Schlitta hobats a Glück,
dafür lossa mir no an Böller ganz dick.

Spiß Roland

Beim Bundesheer isch dar Roland zur Zeit,
sein Präsenzdienst leistet'r ab und isch allzeit bereit.
Aber 's Liebesleba darf dabei ou nit z'kurz kema,
warum set ma sich nit darnebt nou a Freindin nehma.
Manuela hoaßt sie und kema tuat sie aus Landeck,
sie kenna sich oft secha weil des isch nit weit weck.

Spiss Sabrina

Über d´Sabrina wissa miar it viel z´berichta.
ma heart über des Madli lei ganz selta a Gschichtla.
in letschter Zeit sigt ma si mit am Golf ummafahra.
also ham´r ins denkt: weart´si schun in Führerschein gmacht haba.
miar hoffa des Auto hat it z´viel PS.
weil anfangs set ma langsam und ohne Stress.
und dass´d in Zukunft koan Unfall bausch mit deem Waga,
tiam´r diar iats no a Scheiba ocha schлага.

Matt Andreas

In Andi tia mar nit viel ploga
weil miar vu dem gar nit viel darfroga.
Lei wissa miar und des isch wahr
Gott sei Dank dar Zivildianst isch gar.
Drum lossa mar iatz an Böller krocha,
negscht Jahr hat'r hoffentlich wieder mia z'Locha.

Fam Matt Egon Annemarie

Der Egon hatt iatz wieder vorbei,
den Stress mit der Wahlkämpferei.
Die Annemarie hot deis miaßa verstiah,
er hot kenna numma soviel spaziera gia.
Miteinander hoba sie miaßa Wahlwerbung betreiba,
dass er kann Vereinsobmann bleiba.
Mit dera Raketa wos mir lossa marschiera,
tia mir dem „Oberhund“ zur Wiederwahl gratuliera.

Petter Johann

Dr Joschi wor wia letschts Jahr huira ou wieder dabei,
bei der Söldner Hallenzauberei.
Da halft 'r dr Grafer Fuiwehr aus und tuat in da Balla uma schupfa,
a Dribbling, an Volleyschuss und ou amol in Gegner überlupfa.
Joschi bleib wia da bisch und half ins wieder beim Fußball aus,
vielleicht geht sich negschts Jahr der Turniersieg aus.

Watzdorf Joachim

Dr Joachim steht hinter der Bar
in Kappl drin beim Giggalar.
Deis tat ins ou nit schlecht tauga
neba dr Arbeit a paar fescha Hosa anschaua.
Secha tuat ma ihn nit viel in Grof
deis isch verständlich unter Tags braucht er sein Schlof.

Prantauer Anna

Miar hoba keart, dass du geara bachsch
und auf Weihnacht guate Keksla machsch.
Beim Kassiera kema miar bei dir vorbei,
aber die Keksla weara bis dahin sicher fertig sei.
Für deis Jahr wünsch mar dr Gsundheit und viel Glick
und schieß an Böller ganz dick.

FA Jais Werkstätte

Viele Leit tat interessiera,
warum die Firma Jais zu da Roafa, ou tuat Schi präsentiera.
Setts eppa amol saggrisch schneiba,
nimmsch d'r vom Jais a Paarli Schi-
nocha konnsch numma hänga bleiba.
Caterpillaroafa und Longlounfsschi weara si schua irgatwia v'rtroga,
drum tian mar zur Scheiba an Böll'r auchajoga.

FA Streng

Di Firma Streng hot in Starkabach a super moderns Kieswerk installiert,
auf des ganz Graf stolz isch und die Feuerwehr dazu recht herzlich gratuliert.
Schotter und Kies wert da g'siebt und filtriert,
an dera Anlag hat ma sicher lang uma probiert.
Die Waag am Eingang tuat olles genau vermessa und notiera,
da kann ma an jeden Gauner glei überfiehra.
Iatz lassa miar no a Raketa aua singa,
vielleicht lassa'tz ins o a mal an Schubkarra voll Kies für d' Hallaeinfahrt bringa.

Asia Cafe

Im Asia-Cafe daußa alli an mortz Zuagang isch,
da sitza alli an Haufa Leit um die Tisch.
Dia tian reda, Korta spiela und eppas trinka,
und iatz tuat a Scheiba am Himmel douba blinka.

Schröcker Evelin

D'Evi hat si s'letscht Jahr a nuis Auto kouft,
des anscheinend super und komfortabel louft.
Dr Parkplatz isch ja guat überdacht,
des hat der Papa letschtsJahr schua gmacht.
Sollt's bei Dir wieder epas nuis geba tua ins glei informiera,
nocha kenna mir di s'nächst Jahr mia sekiera.

Fam Schröcker Hermann Elfriede

Da Hermann hoba miar im John´s in Landeck troffa,
er tuat dert Kastanien und Glühwein verkoufa.
Do wera dLeut guat und schnell bedient,
da gloub i schua daß der Wirt mit deiner super Hilf eppas verdient.
Vielleicht kenna miar die bei der Feuerwehr als Verkäufer anwerba,
weil bei ins oft die Kastanien in der Garage verderba!
Zum Schluß wera miar dir no a Raketa aucha joga,
nocha kenna miar di s'nächst Jahr beim Törgala glei froga.

Hotz Martin

Vom Martin hoba miar keart
dass er eventuell unter die Biker geat.
Ob a " Naked Bike" oder a Chopper sall steiht no nit fescht
aber er hat ja nou Zeit bis zum erschta Bikerfescht.
Wer woäß, vielleicht losst 'r sich iatz tätowiera
oder er weart an "Burnout" probiera.
Ob als Rennfahrer oder als Rocker pur
dr Martin macht auf ara Maschin sicher a guate Figur.
Vielleicht losst 'r sich von OPEL an Prototyp baua,
aber deis weart sicher nuit, weil dia mocha eher so Art Rosamajer für Frau.
Dass du genau findesch was dir gfallt
für die iatz nou an Böller knallt.

Fam Hotz Stefan Petra

Dr Stefan tuat no fescht in Grins an seim Haus uma baua,
es isch schua bald fertig, –a paar Leut kema ou schua schua.
Die Baustell isch an jedem Abend hell erleuchtet und voll Leba,
d'Leut soga schua - der bugglat als tat´s kua Morga mia geba.
Wenn ins Feuerwehrmander siesch bei dr Florianifeier vorbeimaschiera,
lass ins huamwerts amal dein Bau inspiziera.

Fam Hotz Raimund Monika

Dr Raimund und d'Monika hoba si im Summer auf Kuraufenthalt begeba,
do in Bad Häring konn ma wia an Kaiser leba.
Hausbar, Schwimmbad, Sauna und Moorbad alles komplett,
und dabei hoba si vielleicht no a paar Kilo o'glegt.
Weit isch des Bad Häring vo´ins aus o nit zum Fohra,
sinsch waras für n'Raimund und d' Monika ou nie 3 Wocha gwora.
Sie hoba am liebschta d´r huam olls unter Kontrolle,
des spielt ober bei der kurza Entfernung gor kua Rolle.
Miar wünsch enk no viel Glück im nuia Jahr,
drum lassa miar no a Scheiba ocha fliega wunderbar.

Hotz Lydia und Beate

D'Beate und d'Lydia hat die Hitz im Summer auf der Terrasse tschoffa gmacht,
do hoba sie sich glei a Stuck neba der Haustür überdacht.

A groaßa Lauba isch iatz vor dem Haus,
da macht uam Wind und Wetter gar nuit mia aus.
Der Gast kann iatz o im Schotta besser liega,
drum lassa miar iatz no a Raketa fliega.

Hotz Hannes

Dr Hannes hat si a nuis Auto angschafft,
a paar Tag spater hat ihn schua a Radkappa vom a Omnibus gstroaft.
Und wieder a Wocha drauf isch in Innsbruck uaner nit gschloffa,
vielleicht war der ja bsoffa.
Es war sicher viel Pech dabei,
drum schicka miar a Raketa no glei.

Fam Hotz Oskar Edith

D'r Oskar hot sei Jagdrevier hinterm Haus modernisiert
und glei an super Hochsitz installiert.
Mit Fenster, Heizung und olla Raffiness,
do kriegt an jeder Hirschbock glei an Stress.
Miar wünschta Weidmannsheil,
und do fliegt schua a Raketa gonz steil.

Volbat Hubert+ Ingrid

Mir glouba es isch gor kua Schond und kua Frog,
der Hubert kriagt Huamweh auf seine alten Tog.
Zwoa dreimal im Jahr steigt er in sein Wohnmobil,
und hot mit der Ingrid die Tiroler Berg als Ziel.
Bei dem Urlaub steht für dia zwoa wieder in der Mitte,
Schi, Sonne, Berg und a Hütte.
Der Hubert sagt am besta tuat mir,
mei Ingrid, an Jagartee und a Flaschli Bier.
Er kann aber it verstiah wos deis sett,
weil der Peter hat auf sein Parkplatz a Holzlegga g'stellt.
Ou da Nachbarsleit isch der Hubert viel weart,
weil er sie jedes Mal a' bissli bsuacha geat.
Iatz tia mir enk nou a'Raketa schießa,
tiat's eis zwoa it zuviel um ins verdrießa.